



Republika e Kosovës  
Republika Kosova - Republic of Kosovo

Agjencia e Kosovës për Akreditim  
Agencija Kosova za Akreditaciju  
Kosovo Accreditation Agency



KA/Nr. 107/122 Datë: 15.08.22

Komisioni i Ankesave në Agjencinë e Kosovës për Akreditim, i themeluar me Vendimin Nr.1448/20D, ta datës 04.09.2020 dhe vendimin 732/22D të datës 03.06.2022 në përbërje të plotë; Faton Berisha kryetar, Muhamet Qerimi anëtarë dhe Haki Demolli anëtarë/rezervë, në prani të procesmbajtësit për shqyrtimin e ankesës së Universitetit të Mitrovicës – Shkenca kompjuterike dhe Inxhinieri me nr.3182/21H të pranuar me datë 10.09.2021 kundër vendimit nr.Ref.;3022/21, datë 12.08.2021. Në mbështetje të Ligjit Nr.05/L-031 për Procedurën e Përgjithshme Administrative dhe Udhëzimit Administrativ (MASHT) Nr.15/2018 për Akreditimin e Institucioneve të Arsimit të Lartë në Republikën e Kosovës, Rregullores Nr.2/2019 për procedurën e ankesave në Komisionin e ankesave pran AKA si dhe Manualit të Akreditimit, në mbledhjen e datës 25.07.2022, merr:

#### VENDIM

- I. Aprovohet si e bazuar ankesa e Universitetit të Mitrovicës - Shkenca kompjuterike dhe Inxhinieri me nr.3182/21H të pranuar me datë 10.09.2021.
- II. I propozohet Këshillit Shtetëror të Cilësisë të Agjencisë së Kosovës për Akreditim të ndryshoj vendimin nr. Ref;3022/21 të nxjerrë me datë 12.08.2021, në paragrafin I, në pikën e parë, për programin Shkenca kompjuterike dhe Inxhinieri, BSc 180 ECTS, maksimum 160 studentë për vit akademik dhe të **(zgjatet afati i riakreditimit nga tri (3) vite sa ishte me këtë vendim, në pesë (5) vite).**
- III. Pjesa tjetër e vendimit mbetet e pa ndryshuar.
- IV. Vendimi hyn në fuqi ditën e nënshkrimit nga Kryetari Komisionit.

#### ARSYETIM

Universitetit të Mitrovicës - Fakultetit Juridik në afatin ligjor ka parashtruar ankesë me nr.3182/21H të pranuar me datë 10.09.2021, kundër vendimit të KSHC nr. Ref;3022/21 të nxjerrë me datë 12.08.2021 me të cilin riakreditohet programi Juridik, LLB, 240 ECTS, maksimum 80 studentë për vit akademik.

Ankuesi në ankesë pretendon se KShC me vendimin Nr.Ref:3022/21, datë 12.08.2021 ka bërë shkelje të dispozitave ligjore të nenit 18 të Udhëzimit Administrativ Nr.15/2018, datë 28.09.2018 për Akreditimin e Institucioneve të Arsimit të Lartë në Republikën e Kosovës.

KShC pas pranimit të ankesës, bazuar në nenin 131 të Ligjit Nr. 05/1.-031 për Procedurën e Përgjithshme Administrative, pa u shprehur mbi të, të njëjtin e ka përcjellë në Komisionin e ankesave të AKA.

KShC me Vendimin Nr.Ref:3022/21, datë 12.08.2021, ka arsyetuar se është akredituar programi; Për programin e studimit Shkenca Kompjuterike dhe Inxhinieri, BSc, 180 ECTS.

Universiteti i Mitrovices “Isa Boletini” ka parashtruar kërkesë pranë Agjencisë së Kosovës për Akreditim (AKA) për akreditim dhe riakreditim të programeve të studimit me stafin akademik (bartësit) si në tabelën e mëposhtme:

<i>Nr.</i>	<i>Programi i studimit</i>	<i>Bartësit e programit</i>
1	Shkenca Kompjuterike dhe Inxhinieri, BSc, 180 ECTS, Ri-akreditim	Artan Rexhepi Muzafer Shala Faton Merovci

AKA ka organizuar vizitat me ekspertë ndërkombëtarë të akreditimit në Universitetin e Mitrovices “Isa Boletini”, me qëllim të vlerësimit të programeve të studimit.

Vizitat janë organizuar më 11.02.2021, 25.02.2021 dhe 22.03.2021 me ekspertët ndërkombëtarë të akreditimit me këtë përbërje: Damir Kalpic, Tauno Otto, Bettie Higgs, Regita Bendikiene, Janez Krek, Janez Vogrinc, Peter Parycek, Dietmar Paier, Mikus Dubickis, Asnate Kazoka, Marija Vasilevska,

Bazuar në nenin 17 të UA Nr.15/2018 për akreditimin e IAL-ve, Ekipi i Vlerësuesve të jashtëm ( Ekspertët ndërkombëtar) ka hartuar raportet e vlerësimit, dhe për secilin program, dhe për fushat e standardeve të akreditimit të parapara në Manualin e Akreditimit ka dhënë konstatimet si në vijim:

1. Për programin e studimit Shkenca Kompjuterike dhe Inxhinieri, BSc, 180 ECTS, - nga shtatë fushat e standardeve të akreditimit, ky program është vlerësuar se i përmbushë substancialisht gjashtë (6) dhe pjesërisht një (1) prej tyre.

Komisioni i Ankesave, pas mbledhjes konstitutive të mbajtur me datë 09.06.2022 njëzëri ka vendosur që të shqyrtoj të gjitha ankesat e parashtruara nga IAL-të për periudhën sa nuk ishte funksional.

Komisioni i ankesave i AKA-së gjatë shqyrtimit të ankesës ka administruar provat si:

- Ankesë kundër vendimit të Këshillit Shtetëror të Cilësisë nr.:3139/21H, dt. 02.09.2021
- Vendimi i Këshillit Shtetëror të Cilësisë (KSHC), Nr.Ref:3039/21, datë 12.08.2021
- Raporti i Ekipit të Ekspertëve të datës 02.04.2021,
- Raporti përmbledhës i KShC-së për ankesën

Pas shqyrtimit dhe administrimit të provave të lartcekura komisioni ka gjetur se në Raportin e Ekipit të Ekspertëve të datës 02.04.2021, ne rekomandimin përfundimtar, ekspertët rekomandojnë akreditimin e programit si vijon; “In conclusion, the Expert Team considers that the study programme Computer Science and Engineering, BSc, offered by University of Mitrovica, Faculty of Mechanical Engineering and Computing is Substantially compliant, with the standards included in the KAA Accreditation manual and, therefore, recommends to accredit the study program for a duration of 5 years with a number of 160 students to be enrolled in the program”.

Komisioni i Ankesave i AKA-së pas shqyrtimit dhe analizimit të të gjitha shkresave dhe provave të lëndës, pretendimeve të palës ankuese, ka gjetur se ankesa e ankuesit është e bazuar dhe se KShC-së me Vendimin i Nr.Ref:3039/21, datë 12.08.2021 me të cilin;

Riakreditohen programet e studimit të Universitetit të Mitrovicës "Isa Boletini", për periudhën tri (3) vjeçare, 1 tetor 2021 – 30 shtator 2024:

- Shkenca Kompjuterike dhe Inxhinieri, BSc, 180 ECTS, maksimumi 160 studentë për vit akademik.

nuk ka aplikuar drejtë nenin 18, paragrafi 2 dhe nenin 19, paragrafi 2 të Udhëzimit Administrativ (MASHT) Nr. 15/2018, me ç'rast Komisioni i ankesave konstatoi se referuar raporteve të lartcekura janë plotësuar kushtet për **Riakreditim për programin e studimeve të lartcekura për periudhën pesë (5) vjeçare, jo siç ishte përcaktuar në vendimin e KShC-së për periudhën tre (3) vjeçare.**

Komisioni ankesave i AKA, pas analizimit dhe vlerësimit të të gjitha shkresave të lëndës, pretendimeve të palës ankuese si dhe analizimit të të gjitha provave, ka konstatuar se pretendimet ankimore të parashtresit të ankesës janë të qëndrueshme dhe të bazuara, andaj duke u bazuar në kompetencat e Komisionit të Ankesave, vendosi si në dispozitiv të këtij vendimi.

***Këshillë Juridike:** Kundër këtij Vendimi pala e pakënaqur mund të filloj konflikt administrativ në Gjykatën Themelore Prishtinë-Departamenti për çështje administrative. Padia paraqitet brenda tridhjetë (30) ditësh, që nga data e dorëzimit të aktit administrativ përfundimtar palës.*

Komisioni Ankesave i Agjencisë së Kosovës për Akreditim

Lënda nr.Ref.: 1071/22 datë 15.08.22

  
\_\_\_\_\_  
Leona Kovaçi

Procesmbajtëse

Vendimi iu dërgohet:

- Ankuesit;
- KSHC-së;
- Arkivit të AKA-së.

  
\_\_\_\_\_  
Prof. Dr. Faton Berisha



Kryetar i Komisionit të Ankesave në AKA